

Headline	Rampas 1,010 mesin judi atas talian		
MediaTitle	Harian Metro (Johor)		
Date	22 Sep 2017	Language	Malay
Circulation	214,000	Readership	642,000
Section	News	Page No	57
ArticleSize	132 cm²	Journalist	N/A
PR Value	RM 11,670		



Rampas 1,010 mesin judi atas talian

Johor Bahru: Polis merampas 1,010 mesin judi atas talian dan wang perjudian RM20,000 dalam Op Dadu Khas yang dijalankan sejak 10 September lalu hingga kelmarin.

Ketua Jabatan Siasatan Jenayah negeri Senior Asisten Komisioner Azman Ayob berkata, operasi bersepadu dijalankan itu bagi membanteras kegiatan judi atas talian habis-habisan di negeri ini.

Matlamatnya bagi membanteras kewujudan aktiviti perjudian yang wujud dengan berselindung dan bersembunyi di premis lain walaupun tindakan tegas diambil sebelum ini.

Beliau berkata, 54 serbuan dilakukan sepanjang operasi itu dengan 282 individu ditahan selain merampas 1,010 mesin perjudian dan wang tunai RM20,819.

"Bagi memastikan aktiviti judi dalam talian ini dibanteras sepenuhnya, polis bekerjasama dengan Tenaga Nasional Bhd (TNB) memo-



AZMAN

tong bekalan elektrik di premis yang dikesan menjalankan kegiatan mesin perjudian atas talian.

"Sejak Januari tahun ini hingga Ogos lalu, 674 serbuan dibuat dan 120 premis menjalankan aktiviti mesin perjudian seumpama ini dipotong bekalan elektrik.

"Dalam tempoh sama, 12,999 mesin judi dirampas membabitkan wang tunai RM273,489 manakala 223 kes dituduh di mahkamah," katanya dalam satu kenyataan media, semalam.